松

窗

百

說

彭 至矣其不唇何有不可哉雋不疑解霍光之女似之其 之君子以謂善自爲謀而不及其國後魯威取之卒 鄭忽不唇于齊曰齊大非吾獨也詩人以有 助 松窗百説 失國不能與賢人圖事而已豈謂此哉 生之 乃 鄭 桐莊 此 昭公 耶 的百百萬 昭公方見齊恃大無道受其制則無 公獲不能防閉之名污辱兩世 東嘉 李季可 取大國 女同車刺 换 所 之 陷 不

時至 南面字國數世此亦依幸之雄 而耳不受此有復合之理或說以天與弗取反受其 圍於趙子敖在外而不能死乃復責餘及餘以兵 張耳陳餘之事古今羞之然曲不在餘而在耳方其 顧者豈非 **賢是能謹細行而善爲大盗** 後世之人處義利之間無所忌憚至君臣父子不 弗行反受其殃耳遂見利忘義攬印麾軍而去 耳餘 斷以天與時至之心 幾其寫客厮役 那耳小人 者而餘不保首領哀 明矣微 俊豪亦 時 FP 咎 卒 哉 挏 被 稱 逐

蕭曹爲沛吏時相得及争功有豫何且死為参代已參 下邑初安有龍縣虎視青雲之心邪 以安天下追淺文夫者可跂望哉然當怪伊尹吕望方 亦 **事**心 辛 辛釣渭 利 矣 知其心乃趣 害何如也何獨能釋其私而存至公遂相繼清淨 以成名者凡人於已有 漸曹 雖 不遇商周之君亦必見於世二人汨 治裝由此觀之何豈庸人偶然操 .}, 嫌 則怕妖之未容顏 際會高祖而乃奮 没於 智 桁 世

史記載東方朔以所得之賜歲易一婦當以酒內污壞 匈奴廣常在其中而卒不侯以死事固不可知然至今 漢文帝數李廣不逢高祖時萬户侯不足道及武帝征 以為不幸當時亦言其數奇 乃多善言邪益謂其平日少正論以今世觀之甚似 其衣一日諫武帝愷悌君子無信讒言帝日顧東方朔 則自古英雄固非一軌可議也 李廣 東方朔 一松省下記

漢宣帝時有人詣闕自稱衛太子長安聚親者數萬人 **詠鬼賣之禍不敢易作也** 記録如此之殊所以仲尼謹嚴於春秋退之鑒前代人 子乃復上壽陳王道無偏黨之言何其偉也彼一人耳 淫使天下風俗少有所正又帝當垂涕不忍昭平君之 拒蒯瞆事叱吏收得之帝與霍光聞而嘉之曰公鄉大 百官上下莫敢言其是非京兆尹雋不疑以公羊春秋 陽狂挾姦道人而班固書稱陛戟宣室殿下抑董偃 雋不疑 10 6-1-1-1

於外以陰樂進毒於己者耳惟自知有負於物故也死 魏武習钦鸠啖野葛至一尺豈其然哉益欲使宣其言 法而史威稱赞其高識豈不誤後世哉 必 子已死知其必偽乃属詭詞以抗衆議耳然知其偽不 夫當用經 且千歲後人皆認以為實其詐誠足以欺人 不爲而宣帝安得坐視係緣其祖而嘉之公羊旣不足 引經誠太子則此義豈可據彼衛君之事夫子之所 魏武 術明於大誼後期問果詐伏許益不疑審太 本省百引

靿 漢高祖做時貪財好色方其爲亭長所得亦幾何及 此所謂識輕重宜卒有天下也 泰宫天下射色之都會也而府庫無所取婦女無所幸 温勒以此 劉吉求 桓 温 勒以爲非 自喜似劉 燕 祖 通則逃之與現 逃 輕重 亦可卜其優劣馬 割 腐偶所 琨 越石其慕義可知然現當以書推美石 和 柯 相去高下不待見於功名間也 謝絕之至勒修祖逃先差而

又 舜禹又有天子薦之天之所廢必若禁封孟子視三代 有也秦梁之不仁得天下矣如曰非心服而不可久 數 前之言也後世不岩舜禹而與不至禁封而亡者 蹈仁而死者多矣孟子曰匹夫而有天下者德必若 賢之言過於厚可論也小人之言過於薄不足論也 日 有殺身以成仁又比干該而死日商有三仁馬古 言過 耶又曰不仁而得國者有之不仁而得天下者未 日水火吾見蹈而死者矣未見蹈仁而死者也而 和指行前 ίJ न

曰盍 雖 或 |夫作善宜得福而反及禍謂之不幸作惡宜得褐而 耳 則 者猶 無文王 問 福謂之幸幸不幸聖賢不言而言其常者唯義所在 得國亦由此矣故日聖賢之言過於厚所以扶放 歸乎來吾闻西伯善養老者伯夷太公固豪傑 豪傑 孟子言待文王而後與者凡民也若夫豪傑之士 待文王何謂無文王而可與邪曰且謂孔子豪 猶與又伯夷太公避紂居海濱聞文王作與 公山田村 さ 反

與夫 海 以人爲土者此非孟子所謂與也方是時伯夷太公四 道 業者得百里之地皆足以朝 後 视之以出處去就如父母故曰天下之父歸之其子 雄值能與為才士 世之不法沒齒無聞夫死於象底之間不 雖 欸所謂與於德也當世仰之後世法之 碌 之在不厚於家人是也孔子固與矣若所謂 碌罔人成事依日月之末光而後顯遭亂世 使無文王不居位可也其德之不與當世之不 與時明晦高下者可謂豪傑之士 諸侯有天下不然又 3 特立傑 可也豈 典 爲 有 於 出

五霸成公為威葵邱之會尤顧著而五命之解客無寅 奉天子尊樊王室之意自夷齊扶去其後曹孟徳司馬 杜齊名無所恨而名不已項羽以雄死顧吕馬童以乞 其頭而雄不已四子者如知其可已豈世網所可嬰乎 伍子胥以忠死遗言挂目於東門而忠不已蘇泰以智 死至車裂以求賊而智不已范滂以名死其母謂與李 葵邱 不已 一公五月子

| 奇功而多幸奇功之可成一身無事雖有 | 天下其難得於無事而鮮知無事之可樂 | 無事 | 識慮不速文皇遠矣 | 業難或謂守成難獨太宗以爲俱難此有 | 唐太宗論創業守成熟難當時華臣所執 | 創業守成 | 海 之 | 仲達革無所忌惮矣成公者介於其間熟 | 大方: |
|------------------|------------------|----|----------|-------------------------|------------------|------|------------|------------------|----------|
| 事雖有藥石無所用 | 之可樂其甚危於立 | | | 難此有以見厚臣之 | 臣所執各偏或謂創 | | | 其間與宜乎孟子屋 | <u>ー</u> |

善治身治天下者常消息褐亂于表萌不求赫赫有 萬金良劑之設智名勇功之著其去危亡亦幾何矣故 建也然如漢文帝之末色垢藏患終釀七國之變則 之之謂安天下無事雖有聖智無所施之之謂平及乎 固 也岩唐太宗之治至羣臣無可諫之事其底幾乎 終無難者得其理也故子房從容笑談而已 以著於傳序後世欲以 難於易爲大於細張子房之所得也司馬子長識之 圖難 太行了五 强力解紛斜者可不知此所 c 如鼂錯 釿 者 謂

頗 漢高祖国於平城唐太宗屈於安市樂毅不能終熟康 治 君子在上小人在下而為治反是而為亂世其不知 親故天子屢勝而處上而天下見治之稀潤也 以爲君子待以恕則不罪其小人二者交混而順已 曷足以知之 常少者以责君子之備待小人以恕也責以備則 短於用楚諸葛孔明亦有街亭建命之責則兵者雖 兵 治 難 亂 而 不

吉此 光武為天子畏惧如白衣時奉法之吏得行其職董令 言王忠嗣之安逸本不生事者然後可以赴斯任 其為凶器可知矣故光武閉玉關謝馬武欲三十年不 聰明智略有所不能盡知也誓師之日士卒坐者淚霑 襟偃寝者涕交随無餘命無餘財背水焚舟陷之死地 有理彼趙括陸機房琯之徒曷足以知此其破亡亦 題誠有不得已則若范蠡之審慎馬服君之不敢 名節 深知兵者也巡日老将不言兵 一松省了就 僧多話佛最為

漢高祖固英主治天下總正大網罵詈不已儒者附 漢武親狎賣珠兒以成其姑之聽而復匈奴嫚吕后之 立矣流至於李范之禍悲夫 於聖賢唐文皇規規求仁義而吹毛求死不肯休此誠 好兵而已 强項終不肯謝車駕至上東門屈於閱吏自是名節始 引齊襄以爲喻豈愧於禮義康恥問哉特其資雄武 唐太宗 漢武 合

未曾知天下之色味也若夫厭天下之色飲天下之味· 乃能究天下之色味然目育口爽亦自此矣 久厭飯糗茹草則思膏矣飴糖至於八珍則不能易皆 素故耳至於輕成淡染約略之色即大不爱于味亦然 不可晓觀文皇不得已者亦豈高祖所不爲哉 衣以其山頭林下田港水際易爲標置且久苦於布甚住若置之軒窗几硯間乃不然固言村人喜著深 鹤寺前溪頭立有折映山紅花過者謂人曰山中見 联山紅 1 * * * * * 1 - * 1

坐談足下不容口孫權之盟曰諸葛丞相德威遠者信 獲四也參佐論事至有十相違覆者五也開國託派出 策二也娶董阿水面黑髮黃之醜女三也七擒七縱孟 将入相六也馬該達節度軍敗自貶三等七也連弩流 馬水牛八陣圖之制八也宣王帝與公書日黃公衛 田成久駐之基百姓安堵十也寫身後管陣以退散十 臥南陽三顧乃出一也居草廬中已定天下三分之 陽誠感天地敢國之譽九也提寡弱之衆深入屯 諸葛事 起

有 扇綸巾風流醖藉又見天人之表十五也人有一馬足 找夷野配十三也李嚴廖立被罪廢點聞公之丧数泣 才十二己計問至蜀士大夫争欲赴哭敵庭百姓卷恭 **欽之慕之獨高公於古人列其行事之顯著者以為表** 以垂命名雅後世號為間出而雅容兼之綽有餘裕是 則時得遐慨一景仰馬嗚呼威哉 至殞者十四也道德忠順明敵篤誠足爲百世師 也節制之師皆有實宣王按其營壘處所曰天下奇 四象 13

贞 益元亨利貞也太極為形之始生兩儀即天地也天尊 地早則乾坤之德可見元亨利貞象在其中矣以用言 之德也以體言之象也四象復生八卦而乾坤在其 唯 冬在物為金水水火其數則一二三四散於萬殊未 由是而老由是而死在道為仁義禮智在時為春 離此四者合乎全體則元亨利貞足以統而盡之 有子而知其父也待四象而成德故亦言生元亨利 太極是生雨儀兩儀生四象四象學者往往不能 乾 坤能脩至他卦則異矣萬物由是而生由是 松宫百乱

日遇了正好相喻可爲大笑 中遇了正好相喻可爲大笑 那人間所以贵慕神仙者以其快樂無惱長生久視 專內人間所以贵慕神仙者以其快樂無惱長生久視 中遇了正好相喻可爲大文 不到 是 是 人 現 是 是 是 人 现 不 終 得 與 局 看 日 過 了 正 好 相 敢 可 局 为 足 反 與 月 及 反 鄉 問 人 已 死 亡 世 世 说 有 误 到 仙 家 者 時 不 頃 刻 及 反 鄉 問 人 已 死 亡 世 觀魚 仙 一杯何不能

或 道 去口 少正卯學聰而恃順非而澤未必直爲惡人孔子不旋 誻 有不可勝言者故孟子之於楊墨亦屢作色馬若 五指之便那坐皆笑 獨之類有以生爲殃者若蚯蚓徑生蠢動之屬是也 人臨池親魚日以人觀之有以生爲快樂者若魚龍 則悲曰人生五指甚快偶生六指斷之則悲矣然豈 而詠之由其似是而非足以移奪人意其潛心其害 日 不然各有所得見脛雖短續之則憂鶴脛雖長 和义 是

畫言 必甘寝休息不謹不虞而任其船者也今山 遊 剛 虚 善 寢 行 世 船 惡如黑白則日紂之惡不如是之甚復何假用力 則 休息 勃 虚已插虚船此學者以爲至論 必惡聲隨之不怒以虚而怒以實也莊子欲人 觸舟 虚 觸思諱而忤於物或責之則曰我本無心是 船 心而任其 雖有福心之人不怒 公山下之 船 則 不得惡聲者 一人在其上三呼之不 日夫三呼不 鮮矣故學無心 野之 肆 义 被 之 秱

其可也 或 之之爲無也二者皆有自得處然飲時不無傷療施時都培聚錢千萬積之之爲無也子超一日散親舊俱散 所使之手抑亦不可度乎曰舉有之亦無之 **豈免泛濫則二者皆有所失极其無得失則亦無甚可** 又必知其所以無心則與聖賢同若以爲木石則未知 問死有知乎有罪福乎無罪福乎聽其所之乎將有 積散 問 死 布智官首

於不幸亦必不臭滅矣所謂死而不亡者也 若韓信之自壮嚴 顏之有守楊素之自直李靖之義 沒 處死生之際若高允詞義慷慨王景文終恭飲子徐有 段秀實之忠烈皆情理分明殺然剛决而無所屈雖至 功以扇障面蜀李氏結髮安緩皆確容閉暇而不迫 樂澹然處中未當斯而藏豪而與了無容心如二子居 自負 死而不亡 「スマヨーリー 理之得也 せの

夫陷于囹圄之中則不知又甚矣此救命之言 少口 則曰文王既没文不在按乎又曰天生德於子桓 吾 所成名子 2 揖递故曰士之自负殆是不幸 知者言也至都陽微中書甚美而太史公謂之不 平治天下當今之世格我其谁又以承三 子何吾其爲東周三年有成皆自大之意孟子曰 少也贱故多能鄙事皆為議下避避之辭及康之 自負殆是不幸達卷黨人日大哉孔子博學而無 聞之日吾執御矣太宰知其聖而多能則 k 聖者盡爲 顧 魋 何 暴 暇 迷 如 日

作善必獲福天下皆善人作惡必得禍天下無惡人 則喜欲其知有此而似之也非減發所見沒大抵人情 慳酷之客至而奴婢惡之恐主人之視傲也寬慈者來 多無定體形之則鮮有不動其心者俗傳云□□□ 欲得處寂寞之地而無所激搏其中也心起于形比間冰結而火然者往住如是故學道之推殘不如死却見擔集人心頭較此子每爱其達益 天道 形 此 禍

道恢宏豈浅識之士所可斟量買賣哉 唐文王所言取天下兵法益與孫臏勝上中下駟之法 拙於言原憲辭栗而甘桑極甕牖古之賢者若此甚多 莊 以喻敬中之鮒陶淵明不肯折腰爲縣飢來扣人門 同此最古今之所秘也 周自比端躺而腐鼠梁相貸栗監河侯不得而怒 相參錯難可稽考然後賢不肖並出而衆寡不同天 笑庸 兵法 復 而

不知哉 力田之類既不在舉尚自然之不得所謂行也其可通士之修飾儲以待用者文與行而已今孝悌敦樸才略 責之盡則天下無復全人待以約則隨才各爲用價過 辭其易而爲其難大似不情幾何其不見笑于庸人也 其量不勝其任中人上下必見傾覆終與不肖同科可 聖人以降能負荷各有重輕而任人者亦不可不知也 待用 員荷

處曰昔吳起與田文論功曰主小國疑大臣未附百姓 如言欲爲臣盡臣道則孔明也曰子房不盡臣道在甚 因論諸葛孔明或日與張子房何如日子房青雲之士 足以動搖當世至於瑰奇俊傑之論又疑其太高士尚 下多故四顧躊躇而難其人者初不以非常而致之也 不由科程雖欲抱關擊析為貧而仕亦未易得之及天 不親當是之時屬之子乎屬之我乎曰屬之子矣若以 意而示於人者唯文字耳然老生常談天下皆是豈 孔明

營壘處所曰天下奇才也彼其心降固可知矣 戰之司馬仲達亦人傑也以七八倍之衆自守而不敢 舜皆有謬誤若孔明之失賢聖所有也兵法曰敬則能 宜有議曰孔 載以爲 二人論之恐屬之孔明矣曰伊吕何如曰伊吕詩書所 蜀軍 延請兵之奇不可必者不足道也及其卒仲達按 訓也非錯雜行事而言也且又經聖人之手不 于其角懷問安堵自若而天下之勢已見矣 明之過失尚多用兵不能奇何也曰自克

天下夫氏云去甚去齊去泰所長開譽而日增所短 更 回易 形 人莫不有長亦莫不有短截長續短令其相宜斯爲稱 不 器不踰勢也萬物莫不然百鍊而不損其重從草熱極而反涼則陰陽不踰勢也方者止而固者行 清而公上重濁而必下則天地不喻勢也寒極而 田開之養生亦欲鞭其後牧馬童子去害馬以喻 易其性者惟黄金属然故為天下貴孟子曰禹稷 地則皆然聖賢於是以之 稱 固 则 颜 而 反

王 ぴぱ 甚短勉而不已則自然令善矣 宏布被脱栗汲點謂之詐斯可知矣令人但能戒其所 拒 云適欲啖此耳過爲長厚而人不以爲餘事不稱公孫 王陰謀修德以傾商政夫周之德三分天下有其 之心 服事商使紂一旦改悔其惡復為賢君天下受賜文 Ł 而日散斯爲不稱也王沂公家居飲食或誤供具乃 迎太公於渭上立寫師帝王之佐也史云退而 文 也 Ł 而云傾商則幸禍天下以爲己利豈文王 松が野でい

年而大業不展王景略之於素才智可相亞匹而道德光武中與亦復可紀諸葛孔明之於蜀其人也天不假也文帝仁而包垢宣帝知民疾苦深究得失斯可稱道 者益度所可行而行之馬高祖未當自强以求其不至祖總大略草泰苛急民載清静而己其政治尚多可議世之不濟其來久矣堯舜而下數十載其間有三王漢 者所自得也 公之謂乎夫既久明遠固莫如書至於書外意則在覽 濟 世

士哉又曰物不可窮也故受之以未濟終馬夫既濟 少愧馬然民於是時皆雜息唐文皇浮然而與以 時聖人之力皆不可必則下民之愁數屈枉寒飢無 周 則 世宗之英預馬以易明之日既濟亨小夫亨至於長雜覇之可假斯所謂大人造也而明皇亦善厥 大固可知此所以言盡濟也雖聖人經論盡心益 已任虚已聽納直跋唐虞遂與三代相繼 可力致 者以治極 者猶 松門可能 且吉山與民同患而奉天時况碌 理如登高不可以有加之窮也天 皇亦善厥 非復區區 碌 之 有 ネカ

感 與 亦 役 不 何 時 鮮矣 至 艱 其 祭 而 死 徒 者 夜 難 不 于目前者泛泛之常 (傅曰内) 庶幾 見 而 不 可 此 風 明 曉 隆角逐 不 霜 こ 能 所 與 今 有以濟斯 雨 萉 自 顦 夫人聞 陽 不 体者 剛之 之 顇 惟恐其後亦豈能知山 胃涉之辛苦窮 謂 於 樂 民 謂 聰 那 錐 使被親 内 情 也有能不 Ail Ŋ 員荷 視 樂 耳 至 聽 之 乃居寵 謂 見 哭而悲羡祭而戒 問 驅 憩 則 追 明凡 酒 其哭 卷上 不得 不爲 野 所 禄享富 而遙 漏 高來 遂 之 謂 其生 動 聰 下 貴 明 心 核 涇 知 畫 者 者 役 禍 日

博士李千墓誌略不及他事唯說受方士柳貢藥服之亦默默疑念久無以辨及按退之集長慶三年作太學人服金石言最勤切而晚年躬蹈其害莫不怪歎之益白樂天詩云退之服硫黄一病身不痊世遂以退之戒 美名騰遠遍令人企慕者多矣日夕相親及□□ 下血死乃引當 □□□故曰服速易服近難 服 退之 近 時月見親與游者解登李虚中孟節

或言伊川云未有易時天地之間固自己有易矣斯言 有咫尺之間而前身該其獨裁古人已沒遭誣毀以白 徒七人俱以服食 之謬使賢者蒙污故三復數息而書之 爲黑靡所不至者多矣今偶因前人文字之同或傳寫 者然至於無百工而用亦在不但書之者然至於無聖 用郎不爲用矣及附其名知其用則爲用矣不 妙曰此亦淺論也插小児見器物未知其名與作 伊川云 强楚之狀 明年退之卒是豈 ぇ 但形 何

復有所加損可謂極其能事矣不圖爲兵之至於斯也 長豈冲虚恬澹而己哉絕聖棄智者亦復有此也 **老氏言慈故能勇儉故能廣不敢爲天下先故能成器** 孫武之兵書不過數千言簡盡淵通可以爲萬世法不 癣王不可以風孟子不肯造朝卒至於去此疑其太易 人而易亦在神而明之在乎其人易固自若也 宿畫 三寶 孫武 The time I want

如土芥則臣視君如寇雠如此之類皆言庸人之常情孟子曰君之視臣如手足則臣視君如腹心君之視臣 晚或日孟子何處是好處日皆是好處此其疑也 行矣乃復避弱于畫三宿快快然回望不已彼遣一介也其言於崇見王退而已有去志及再不合當接浙而 以深戒君人者或以爲孟子之意則然 之士則固不能弱而宣王亦安肯親往邀之战此所不 柳下惠 深戒

油然順受之而不敢正以禮宜乎孔子置之逸民之內若柳下惠遗佚阨窮無以自見袒裼裸程於其側者油 化既行而大國知畏亦略行其道矣故不必謂之逸非用見於牛羊茁壯爲司寇攝相事見於誅少正卵 或日柳下惠當仕矣而孔子稱在逸民之數何也日 孔子可稱逸民乎曰孔子當為委吏則見於會計當為子曰減文仲其竊位者與知柳下惠賢而不與立也曰 下惠雖爲魯士師然不得行其道方遭點之不暇故 深悲之也 松門首龍 :+-

殊不此也 成之言卒解相位而身名發全睢其賢手 吕不幸蒙恬李斯之徒既不保令終獨范睢知道聴 秦虎狼之國其君皆雄武而臣亦才健商鞅魏冉白起 谷犯數該盡忠其身甚危重耳亦當有事不成食內之 言至河上而解宜矣事君保身之道两得之而日要君 范睢 范蠡馬援 犯

欲盡拘以漸進之之意而諸家解論語第一句便與人者時時習而行之知其爲善有益而非難故院時者不學而時習之所學者道而道不可見散而爲事業在學 道哉魂蔡澤之言矣 范蠡馬援走不知休蠡雖去位浩然湖海未免千金之 役援矍鑠求用卒有空頭之国當云之當益壯豈知天 王沂公 學而

益上下與天地同流馬然天下至今公之道他聲名不 質 葛 北 古今之聖賢有見其書而可知者 已富公明 · 於唐無所取 功德兼 見其書可知而世之所與乃未盡本朝韓魏公富時四時之望巍然三代之賢臣不知於伊吕何如 公可知矣及尋公之行事博大崇深莫能宛其涯沒富公明鋭精嚴欽慕沂公至死不衰此因二公而後 孔明道義公忠出將入相開國託 隆 取於本朝獨日吾所師仰者所公一人而超越漢唐之士而受性不同韓公寬大通 有因人而後知者 知於伊昌何 跡 如也 鄭

药爵禄哉尚想其風凛然也 其居漢魏之末肯與諸人碌碌事曹孟德司馬仲達以 之事何以異兹可謂特立傑出之士延年固酷夷然使 寂而朝廷欽 弹此與夷齊扣武王馬首諫臣不可伐君 以爲然而嚴延年効光擅廢立主無人臣禮不道奏雖 昌邑不君霍光廢之而立宣帝伊尹之任也天下莫不 暴白於諸公上播紳間少能言之是以謹爲之書 嚴延年 朱五經 松留百萬 汽车

不由之而温以區區詐力徼幸之功欲驕其先君子婦等曰道理最大上深以爲然所以定天下垂後世者莫斯言昔我太祖皇帝當問忠獻趙普曰天下何者最大母親然曰汝能至此固英特然行義未必如先人賢哉朱温既貴迎致其母封晋國太夫人因置酒上壽曰朱 子游子夏子張以有若似孔子欲以孔子之道事之此 人亦知其可盖也聞其風者單歌當有立 有 岩

以知者然以此而不能知者亦甚多孔子曰視其所孟子曰聽其言也觀其眸子人馬度哉人固有如此 子之九證亦可得其大要 日甚哉有子之言似夫子也而諸家 謂其道似也論語檀弓有子之言皆與聖人合故子游 觀其所由察其所安人馬度哉斯爲審矣雖不試以莊 酒 此雖今世凡下之士亦不至是而謂游夏子張如此 知 人 松箔下記 解孟子直以謂貌 二十四

梁武帝慈儉不以富有區字以奉其身雖克舜不能 德同原其心所謂尚志於仁無惡者也當竊悲之泰始 也才藝亦復絕人惜乎不知治道而蔽於佛其亡與山 之間幸與不幸可勝太息哉 言譽之則無所益然而喜罷則試可中怒息則緣可與 天下全德固不可得而見中人上下汨渦於是非口舌 方喜其人或以惡言武之則無所损方怒其人或以善 梁秦

之治世則敗矣中庸曰賢者過之釋老有馬之者故俯仰無所愧作二者廢人倫而事其妙者也移或問儒老釋優劣曰孔子大矣明人倫存其妙而兼得 皇强暴毒痛海内以極其欲雖禁紛無以過而威略足 不與 三國至於江左其君臣以英傑之略或效忠勤各收一 以取犀材定霸業故亦足以與而隨以亡而人心至今 實德 一杯管司記

時之功致顯禁則具載史册而實德及斯民者何甚少 人也而可恕賢者之徒也有而不可恕小人哉 人皆有公道通天下日夜相與言者是也亦莫不有私 唯諸葛孔明之於蜀王景略之於秦其詳可見而治道 孰敢出以相示而可見恕於人情者不易得矣大哉私 之爲害乎所以亂天下而勞古今之治理者也無私聖 之光無所愧於天地間若曹孟徳之徒報捷宇内寧員 人以取天下列于尊位以垂世其己幸矣 私

下所以每不濟而欲責斯民之從化難矣哉真儒則不曰彼以彼而此以此方其彼又烏知其爲此也嗚呼天情不分者鮮矣尊官厚禄以醉其心日既遠而遂忘乃 古人丁寧垂戒之明悼當世之往往易畔及一旦有位 凡詩言之有眼者益不滞於題詩外有所見大抵謂道 儒生之未達也莫不以爲詩書可法象仁義在必行欽 詩眼

主幼弱爲强力者侵奪其家老能辨理而盡復之遂 魏武取天下於盗贼不取於漢通鑒之誤也譬田園之 也豈特風花雪月區區以自厳惑而已杜子美云甫也 故爲自古詩人之冠 主人之名而復天下也不以漢氏其誰從之酬其功既 南北人早為詩酒污則此定豈復爲曆韻華藻所累哉 為己有可乎謂無功則不可也謂非主人之有又大 可也彼是時方挾天子而令諸侯動以朝廷爲辭是立 通鑒 本

火上邪固自知之矣 言京師役徒舁重物度其人已多不能舉則復減之 **豈至此乎今不敢之罪分於象而難責則皆英之顧况** 爐木至一邊盡息·客環視莫令止之直舍吏至始撲滅 **壬申歲樂清元日賀令至客次者二十一人爐火威義** 横身犯衆爲人有利害事那諺所謂龍多乃早是也因 僕常好犯衆然亦方觀其理徐笑謂隣坐曰一二客在 已極人臣矣方孫推勘採稱尊號乃曰是子欲路吾爐 特象 14.601 m = 1 ニトニ

ろいろうつ

張其氣勢使不敢怠所以成功孫武曰用衆如用寡韓之三百論惟正請騎三百與之二百皆欲不滿其意而 熊雲九州衣冠結束至今似唐 時餘事不變者亦象如 信日多多益善此又其妙 學益果則相恃寡則盡力也苻堅以果敢光武以寡勝 益謂是耳然夫氏所謂安其俗樂其業什伯之器不用 博之榜消雙六皆是也中國凡幾易矣老氏所惡聖智 亦由此李光弼破史思明於河陽都廷玉請騎五百與 燕雲

道而已後世則不然因之乃不問其非草之則并遺其 是前人失之東後必西前者尚白後必黑矯枉過正不 也 至夫死不相往來者小國寡民而已若地大物 如用十六相去四山是也凡所以损益皆務致於當孫通之制禮蕭何之法是也唐政固美而有虞革之 則因否則草權時之宜也泰政雖惡漢有因之者若 者其唯周公乎窮則變變則通通則久此所謂聖 因草 これでは 成而 一智

嬖奚乘甚辨然孔子欲赴公山佛肸之召至見南子曰陳代以枉尺值尋問孟子孟子言其不可至引王良與 十全者上智也然所遇亦有難易感於近似猶度幾耳者可與議者也七八者可以任者也八九者稍卓異也十事可以辨二三者愚人也辨四五者庸人也得六七 至以白爲黑以東爲西則難與言也 得中則一也烏在其能濟手 辨 ニナハ

之何古人有言曰以道望人難以人望人易則二者常求君子而君子不可得遠小人而小人莫能去然則如 夫從權者道行乃見而初不免受污故難以語人自古 貨誘齊王皆小枉也特不敢以此訓人者謂其從權也 小杠而大适者追勝計哉 否者天厭又曰湟而不紹磨而不磷孟子亦以好色好 可處矣至於治天下未離此道 主盟 以人望人

漢高祖天資明悟絕人而無學以自發明得三條陳 天下多務之秋人主宵旰有才難之數彼欲獻而無陷遊者何其多也方其隐邱園臥嚴壑歌考樂而永矢當 以至今有韓子不然古今豪傑不見主盟紛紛名滅而 世無伯樂天下無良馬世無孔子韓愈不得在弟子之 列 此欲求而不可得則其間主斯道者安能不任其責 此賢者騏驎之所不幸也賴韓子之文足以傳世所 漢高祖 が信う

母之德乃召亭長以百钱辱之此非長者不待種離時南昌亭長食韓信其後婦厭之而不終惠及信貴報漂 之言也君子不竭人之敬盖有報一飯之思者尚不能 獨高祖以為在曹参上而無以難伏衆口鄂千秋大言卒問其不與已意相符合至論蕭何功未有能明之者 自達者不學之過也高祖之謂幾 遂取封侯以能明已之心爾凡心知其然而詞不足以 陸賈革左右開導然後克濟大業每諸人獻替雖在倉 韓信

智亦大矣若詡者夷三族不足以謝天下後世至其爲 長安迄至天下大亂將作遷移實胡之力一言之禍自 室再安矣謝於此時不能轉以爲福復說李権郭汜 古木有後雖初能於曹公是亦賊主公而事他人焚其 魏志稱賈詡天下言智計者歸之胡初爲董卓禄後依 屋而致稅水之勤何足道哉傅曰智者行其所無事 卓壻牛輔皆非善計及卓受誅天地清明百姓相賀漢 即已又何爲此隘曾不如蘇季子之待其從者之怨也 賈 詡

聲替陰姦邪謀潛結而不覺禍垂發而身已死幸矣天 贵犯諸姨之龍皆足以自逞然後処畏惮林甫而其敢 長久邪 安禄山擁精鋭数十萬衆據燕薊形勝之地楊國忠挾 有誰何之心者唯自揣其才能不及故也然至於上 李林甫狡獪智数足以禦天下亂亦足以成天下禍方 太尉宜乎其見笑於孫權也 下之事真不可專以力屈必有以懷服其心然後乃可 李林甫 公大田二

資本淺酒而忽致爵位皆非所期故歸之於命殊不知 技止此爾則其言豈有益哉察其悍傑之資徒不碌碌 爾固不禀中和矣嗚呼渾渾瀬瀬之書陵夷乃至於此 柳宗元作河間傅足以銀一而勘百其言淫污之甚吁 士大夫喜論命亦是一蔽或有買其才質而未遇時有 可怪也豈夫子自道手點聽永鼠輕薄子常籍以罵曰 柳宗元 論命 ᅱ

者甚寒岩長沙李納以十八子之言尊李决雅遂反及 王僧辯破平所害生靈不可紀不知此之平生化愚頑 梁武帝時僧實誌妖異人也造作識語以慈後人至亂 而惠以斯抑將解化奔競之徒耶不然何以哉 之精者千無一求於千而遇一不亦或哉豈天憫瞽躬 此可與智者言或曰不求福欲慎其災是又大不情彼 季咸知人褐福死生望之而走不顧聞災可知矣况衡 天下自然之勢有不可必者故曰莫之致而至者命 寶誌 7.7 A. A. C. (A.)

復加是以誠塞妄也渴者妄指以梅林而渴乃止是以 豈復覺審方其妄求而世亦妄與具酒殺列明器整 象錢印繪車馬而焚之以妄塞妄也其出於誠亦無以 之實而六智常不斷妄逸妄勞妄喜妄悲見聞具味有 世既足妄矣死而爲鬼其妄又可知無身心耳目口鼻 而達之可以得道況恍惚幽昧周周之中類倒沈 即使而無非妄反求所以受之者則寂然無可得 福利價得過否老氏日前識者道之華愚之始也 妄 和作品 自

富貴人求服餌導引法以逞啥慾真長生而服餌多反 之乎彼長江自若也所以異者繁乎人而已政荒怠隋文帝曰豈可限一衣带水爲民父母而不拯又見其波浪海涌歎曰嗟乎固天所以限南北也及陳 魏文帝征兵出廣陵望大江曰彼有人兮未可圖也後 得至夜半前席所以然之狀未當着明也 妄塞誠也妄發於誠誠合於妄則誠也妄也於此可有 服餌 大江 松河河流 ...

腻一有所染難遠滌蕩至其解除亦不免與本俱傷人 凡物之性本體堅淨外物暫著一 緇磨而不磷者以其質之不同耳學而至者有之矣 既處世間名利是非聲色之中豈能都相忘难沒而不 錢多人多使了錢少人少使了縱得橫射也使了到底 健補益人但恨養到處隨手破除了則與常人同正如 都則一般此可歎也 誤導引見效遲乃不如羊肉白髮法酒善調之自能 染者 拂拭便去岩性自植 壯

聪 此雀以萬數飛翔送之 矣然自晋宋以來尤病而詩賦歌詠爲甚僕近代人作 之當少戒馬詩成送所代代云聞守有不啥針者臨 而 孔子之文可謂有 此 行事之深切着明也尚恐其文之無益至他人 口只應閱及黃衣兒亦使街球致君壽銀守事雖多 江太守生日詩末云道路盡歌賢太守祈頌萬人 邦以黄雀遺雄要殺害之象所獨也中人 文欲有補 補矣猶曰我欲載之空言不如見 以上 可 之 去 剛 同

中曾經戰陣通晓於事來者未當不詢之所言皆不 非也今歲淮西之役方在山陽最爲聲跡相近每有 於晋之開運中為狀元當得其小録緣紙吏部印字 以至是非反復十餘說莫之能定後直以已意約而 桑维翰和疑及實正固等與本部官書名押同第十 作史之權至重而古今不免多誤寇萊公之父湘登第 人李岩愚在其中岩愚三代與五代史較之官秋名 差互小録無緣傳也傳者史而已盖遺其是而傳其 史 誤 才 를 구 말 同

皆嚴視局勢深自周防莫敢一著求徼幸至其終本無 大勝大敗以其智應不甚相遠不可以多方誤而欺 司馬仲達對於渭濱則皆不敢輕動彼正如兩人善弃 法曰兵贵拙速未親巧之久也誠是矣然諸葛孔明與 達不下六七子 不以世之毀譽介像云實辛酉歲也 批連無所用之若較其衆寡客主之形則孔明饒仲 則胎厥将來者果如何所以高世之士修其在我而 拙速

治患於人談笑容易間不復以正色念其何以堪之也 以不恤爲能孟子曰仁者人也以其有已有人之謂今 及已一當之則愁苦歎嗟如不可度少能平得此心多 失之故以貌取人自古所戒 勣以奇魇福艾用将是也岩崔浩之徒織框懦弱豈不 乃有已而無人則不仁之心曷勝言哉 天下事有偶成于一時不足爲後世法者不可不知李 奇厖 治患 オーニーコ ا ا

來山居細觀之又不然為所發一二便可飽終日乃至 有暖足而放不襲其方之義而凡鳥欺鶴敗卵逐战啄 常見為鳥少而凡鳥多以為之害物天不使之善滋及 奇至况餘士哉劉伶一 孟子雜以外篇即其論甚駁韓文杜詩更少删除乃尤 詩書删定之後始為圓具今人欲下筆皆可傳世難矣 可載者多光類可厭也 熱鳥 文公刑 领英测其人而唐末詩家盈車

應三才垂五職所以靈於萬類能造神明以其東受然 也分於禽獸亦幾何而性識如是之相遠的墮縱而 **囊所残不可紀而常有飢色則豈復有紫其義者** 又天道之自然智者因有所悟世皆由之而鮮知之者 自提好則豈不幾入于彼其可忽那人之行必 人之所以異於禽獸者以其立生爾戴天履地而處中 所蘊 立生 相写诗號 伯右斯 不

氏不三宿桑下絕境熟便生弱戀故深以爲戒世之人 類欲布其妙意而求合亦難乎有濟矣 **舍連席歷年相親而不能吐出一詞者故人之情不相** 各蔽所爱交互相笑殆未可也亦各慎所爱而已 物沒相著皆可迷人非但聲色安供飲食之間也浮屠 心之精微唯温伯雪見而知之齊宣王使人明孟子謂 口自其外視之則為足以知人自其中之所蘊則有同 何以異於人關中人爭看曹孟德孟德亦言無四月兩 迷著 スコラム 三十七

其名 魯豪著錢神論譏也後世遂多以爲然都者至以兄稱 日夜摩趨之而不止若復勢以兄名其害將不勝言矣 者也古人以不言為高太多為臭君子不敢喻而天下 製污穢清濁是非轉化姦回善如人意盖奴僕之超絕 友問幾何其不相戕賊矣稽其爲用直人役爾不問險 如日孔奴於理爲當雖未遂革貪夫之心康幾先以正 '殊可令人羞若事錢如事兄其於父子兄弟君臣朋 孔奴

無可怪常見問里間有衣食粗給即焚香誦經知有所 見聞習氣安得不與之俱化由是累世不能易業者固 於惡不可勝言者哀哉縱使質雖殊而中人以上狂於 而教之其谁之不良邪處富貴優将乃或不知則重可 間其驅迫於寒暑飢渴之害盖有所不暇顧因循有至 天下之細民豈皆不知道而甘心僥首役役於錙銖 仰每嗟嘆其性善所同而搏激偶異爾上之人能富 細民 松省百九 Z

吳胡越而不辭雖異夫古不可屈致者亦夫子區區歷及其話言之數接文字之既通邈然而莫我知也則遂將何爲也天下紛紛者固多矣安知其中果不相契耶人有累詣而不見者初不以爲倭而有悔且曰彼未知 中禮俯仰無所愧怍萬世師尊而莫敢企及如周公孔不得聖人之意欲求聖人之言不知其可也動容周旋知言 國見所不見之般意也 累

言之意雖百世之下猶相接也不得其意則終日對談 松窗百說 言而不信其行者論語終之曰不知言無以知人盖知 固有所未喻 悟一言之未明便有投好之與豈可謂篤信好學聞流 肸之召見南子而疑之自餘賢哲於書傳或一字之抵 子亦至矣或以四國流言召公不悦而疑之以公山佛 松省百說 三十儿

善又賢于牧一等矣惜乎世未有知之者紹與丁丑五 子京作唐史至贊杜牧曰牧論天下兵爲上策莫如先 復遇之於臨安出所撰松窗百說以見示事多而詞簡 自治賢矣哉牧以一言之當見賢于宋今李君百說皆 自 余昔識李君於鄉里知其爲博學有識君子也别数年 有若似孔子不以貌為不疑說解以抗衆魏武帝宣言 **欺人韓退之不服硫黄釋寶誌妖妄仙家不壽考士** 買為不幸皆大有益于風教前華議論所不及也宋 1 1 2 ... La .. l 出於正如辨文王不傾商政諸葛孔明盡臣道 松阳百色炎 月上

其更閱賢智則必度越諸子古人實云余於李公亦云 季可論王霸大略踔厲百家至於藝文乃餘事從符 紹與丁丑抄冬拙齊葉謙亨父書 而自適文不追時好故悠然而自放其解辯其論詳使 固者及觀其松窗百說信然公之學不務進取故沒然 甚樂直自視古人為無愧也余曰是殆自得而所處 始余以職事造王府時見李公談古今論詩文意超然 文至於自得而直遂其意之所詣非自處甚固者不能). 九 日身景王十月書

重書 意去非釋疑一歸語理余與李君相處談古今治亂 十年未當有過失於予平生所欽服也百說之作□ 所不能施設恥沒世而無所聞故託言以見志李君季 士之處世懷卓絕之才王佐之器不幸無位其英略有 物賢愚故事優劣迨兵家衆藝無不纖微至當又仰服 其行已無所戾歎息贊之而不愧云戊寅騰蟄前五日 可松窗百說是也大略以採旅經傳爲文據正聞形爲]其仁義經綸渟涵之意自當有知者戊寅八日朝 松富百記及

豈能爲足下軒輕當收名定價于王公大人之門則可 寅重千日賴川曾幾書 定出松窗百就退而觀之知其積于中者多矣紹與戊 矣區區尚族面致茲得以略 李季可來見入門下馬標宇軒秀意必有所涵蓋者坐 淵源辨博頡頏古人欽敦欽敦但僕方去國遠適萬里 剛中比承一再惠顏并垂示威文既而伏讀不能釋手 環衛宗室居廣書 龍圖問待制新四川安撫制置使王公劄子

寅下元日尹大任書 洞見事情有補于世前賢未之及也大任辱在後進喜 大縣已與天下異松窗乃復傑出其說簡而盡曲而通 而欽之特授工以傅且少慰回首嵩洛之意云紹與戊 鄉里士陶冶富鄭公司馬温公部康節諸鉅人之餘風 松同可記改